



Broj: UP-13-15-30/10

Datum: 14.03.2011. godine

Komisija za papire od vrijednosti Brčko distrikta BiH, rješavajući po zahtjevu emitenta Dioničko društvo za proizvodnju akumulatora, olovnih legura, opreme i trgovinu „TESLA“ Brčko, Braće Ćuskića broj 13 u predmetu odobrenja emisije dionica zatvorenom ponudom, na osnovu člana 18. i člana 65. Zakona o papirima od vrijednosti ("Službeni glasnik Brčko distrikta BiH", broj: 15/03, 27/04, 42/04 i 28/07) i člana 62. Pravilnika o uslovima i postupku emisije papira od vrijednosti ("Službeni glasnik Brčko distrikta BiH" broj: 3/08 i 34/08) na svojoj 15 (petnaestoj) sjednici održanoj dana 14.03.2011. godine, *donijela je*

R j e š e n j e

o odobrenju emisije dionica zatvorenom ponudom emitentu «TESLA» d.d. Brčko

1. Odobrava se II (druga) emisija dionica zatvorenom ponudom ulozima u stvarima i novcu emitentu Dioničko društvo za proizvodnju akumulatora, olovnih legura, opreme i trgovinu „TESLA“ Brčko, Braće Ćuskića broj 13 i potvrđuje da je emitent postupio u skladu sa odredbama Zakona o papirima od vrijednosti i Pravilnikom o uslovima i postupku emisije papira od vrijednosti.
2. Dioničko društvo za proizvodnju akumulatora, olovnih legura, opreme i trgovinu „TESLA“ Brčko, na osnovu odluke o povećanju osnovnog kapitala broj: 01-3066/10 od 21.12.2010. godine emituje novih 594.252 običnih dionica, nominalne vrijednosti 10,00 KM po jednoj dionici II (drugom) emisijom dionica zatvorenom ponudom ulozima u stvarima i novcu.
3. Skraćeni prospekt II (druge) emisije dionica zatvorenom ponudom ulozima u stvarima i novcu emitenta Dioničko društvo za proizvodnju akumulatora, olovnih legura, opreme i trgovinu „TESLA“ Brčko, sadrži sve elemente utvrđene Zakonom o papirima od vrijednosti i Pravilnikom o uslovima i postupku emisije papira od vrijednosti
4. Ovo rješenje je konačno.

O b r a z l o ž e n j e

Dana 31.12.2010. godine emitent „TESLA“ d.d. Brčko podnio je zahtjev za odobrenjem nove II (druge) emisije dionica zatvorenom ponudom ulozima u stvarima i novcu. Uz zahtjev su priloženi: obrazac ZHOV-ZP, odluku o emisiji broj: 01-3066/10 od 21.12.2010. godine; zapisnik sa sjednice Skupštine dioničara od 21.12.2010. godine na kojoj je donesena odluka o emisiji; prijedlog skraćenog prospekta; izvještaj ovlašćenog procjenitelja građevinske struke; izvještaj ovlašćenog procjenitelja mašinske struke; izvještaj ovlašćenog procjenitelja ekonomske struke; izvještaj o procjeni vrijednosti uloga, opreme, robe i novca; dokaz o vlasništvu nad stvarima i pravima - računi; izvještaj

revizora o reviziji specijalne namjene; izvještaj o pregledu finansijskih izvještaja za period koji je završio 31.12.2009.godine; dokaz o identitetu unaprijed poznatog kupca; odluka o izmjeni statuta; odgovarajući izvještaj ovlašćenog revizora „Revizija Ad Ra“ d.o.o. Brčko i dokaz o uplati propisane naknade Komisiji.

Emitent je 12.01.2011. godine dostavio sljedeću dokumentaciju: Izvještaje o ulogu u stvarima; ugovor o obavljanju poslova Depozitara u postupku emisije papira od vrijednosti broj:42-01/10 od 10.01.2011. godine sa Uni credit Bank, Banja Luka; potvrdu broj 01/11 od 04.01.2011. godine Komercijalna Banka AD Banja Luka za poslove platnog prometa o stanju poslovnih računa emitenta za posljednjih šezdeset dana do dana podnošenja zahtjeva.

Na sjednici Komisije održanoj 14.03.2011.godine zauzet je stav kako je navedeno u dispozitivu rješenja i utvrđeno je da skraćeni prospekt sadrži sve elemente propisane članom 13. Zakona o papirima od vrijednosti i članovima 65.-73. Pravilnika o uslovima i postupku emisije papira od vrijednosti. Emitent je dostavio izvještaj revizora o kontroli uloga u stvarima i pravima odnosno o reviziji specijalne namjene, shodno članu 251 Zakona o preduzećima Brčko distrikta BiH ("Službeni glasnik Brčko distrikta BiH", broj: 11/01,10/02,14/02,1/03,8/03,4/04 i 34/07), čime su ispunjeni uslovi da se odobri II (druga) emisija novih dionica zatvorenom ponudom ulozima u stvarima i novcu unaprijed određenom kupcu.

Na osnovu podnesenog zahtjeva i priloženih akata, dokumenata i isprava Komisija je utvrdila da je emitent postupio u skladu s članovima 9.-14. i članom 16. Zakona o papirima od vrijednosti, članom 251 Zakona o preduzećima Brčko distrikta BiH, odredbama glave III i IV i članom 62 stav (1) i stav (4) Pravilnika o uslovima i postupku emisije papira od vrijednosti čime su se stekli uslovi da Komisija odobri emisiju.

Na osnovu navedenog odlučeno je kao u dispozitivu rješenja.

Pouka o pravnom lijeku:

Protiv ovog rješenja nije dozvoljena žalba ali se može podnijeti tužba Osnovnom sudu Brčko distrikta BiH za pokretanje upravnog spora u roku od 30 dana od dana dostavljanja rješenja.

Dostavljeno:

1. "TESLA" d.d. Brčko,
2. Evidenciji,
3. Arhivi

**Predsjednik
Komisije za papire od vrijednosti
Brčko distrikta BiH**

Mirsad Bešlić